

左恪靖侯奏稿初編

恪靖奏稿初編卷四目錄

寬免處分謝

恩摺

遵

旨將已革藩司提督正法片

審擬秦遊擊僭事緣由片

進攻龍游截勦大股逆賊獲勝摺

收復郡縣查悉賊情布置大概片

訪聞已革道員資財寄頓片

保獎迭次打仗出力員弁兵勇摺

攻勦迭勝克復縣城要隘情形摺

請以秦提督署浙江提篆赴甯波片

請飭崇副將順解馬匹赴浙片

遼弁赴口買馬懇准免稅片

浙江藩司請仍交道員代理片

查參道鎮知縣各員摺

失事弁兵母許收伍片

寬免處分謝

恩摺

奏爲恭謝

天恩事竊

臣

前因湖州府城不守附片

奏請將臣交部嚴加議處茲於八月二十七日奉准

議政王軍機大臣 字寄同治元年七月二十六日奉

上諭湖郡雖係該撫統轄之地而隔於形勢無從救援
情屬可原所請交部嚴議之處著加恩寬免其失守情
形並趙景賢等下落卽著查明具奏欽此跪誦之下感
悚難名伏念臣才識庸愚忝膺疆寄湖郡困守數月未

能遣一旅之師由間道馳援卒致失陷負疚滋深迺蒙
聖恩不加嚴譴寬免處分深荷

逾格之鴻慈益覺消埃之難報惟有督率所部迅掃賊
氛以冀稍贖前愆仰紓

宸廑所有微臣感激下忱理合繕摺具

奏伏乞

皇上聖鑒謹

奏 同治元年閏八月十六日

議政王軍機大臣奉

旨知道了欽此

遵 旨將已革藩司提督正法片

再臣遵查失守文武情罪較重之大員先行定議請

旨遵行嗣於八月二十七日戌刻龍游縣潭石望行營

准兵部火票遞到同治元年七月二十九日內閣奉

上諭林福祥米興朝卽著在衢州軍營正法免致久稽

顯戮欽此 臣當卽恭錄

諭旨飭擬保參將都司劉明燈齋赴衢州府城會同代
辦藩司蘇式敬署金衢嚴道江允康署衢州府知府吳

艾生監提已革布政使林福祥已革提督米興朝於二
上八日遵

旨 在衢州府城正法理合附片

奏

聞 同治元年閏八月十六日

議政王軍機大臣奉

旨 知道了欽此

審擬奏遊擊價事緣由片

再同治元年三月初六日內閣奉

上諭慶端奏請將違令僨事之遊擊革職發遣仍留營
差遣等語浙江遊匪窺伺衢州經總兵李定太飭令諸
軍嚴陣以待乃管帶礮船之遊擊秦國勝不遵號令輒
將所部礮船四隻駛過黃灘致被賊搶順流下駛陣亡
受傷水勇多名實屬違令妄動僨事失機僅予革職發
遣不足蔽辜秦國勝者卽行革職拏問交慶端左宗棠
將該革員僨事情形嚴行審訊從重定擬欽此欽遵恭
錄照行衢州鎮總兵李定太金衢嚴道江允康審訊開
錄親供聽候核辦在案嗣據金衢嚴道詳覆前來核與

原參不遵號令擅將礮船駛過黃灘情節不符又經照
行衢州鎮總兵李定太確查具覆並行藩臬兩司審辦
去後茲據代辦藩司署杭嘉湖道蘇式敬臬司劉典審
擬詳解前來臣親提審鞫緣秦國勝籍隸湖南乾州廳
由軍功在江西湖北等處軍營打仗出力洵升遊擊於
十一年七月隨營調赴浙江是年七月派防衢州九月
奉統帶衢防兵勇總兵李定太委帶延字營礮船紫護
浮橋同治元年二月初九夜奉令將礮船四號停泊蘇
不灘防賊偷渡秦國勝遵卽駛赴扼守次日黎明西北

而山後突出賊匪千餘排列山土旋合馬步隊至蘇木
灘下游半里之黃灘灘淺過河秦國勝督率各船開放
鎗礮將岸上賊衆擊退順流壓下甫經下灘賊衆憑岸
俯擊我軍連開大礮均因兩岸高仰不能取中陣亡水
勇十四名受傷十餘名逆逼愈近秦國勝且戰且走因
土灘風逆水淺人力難施賊在土游涉淺斷我歸路與
賊交刃失足落水李定太急帶隊伍接應甫經趕到礮
船業已被奪筋隊往追用火箭噴筒燒燬一隻尙有三
隻被賊駛放樟樹潭以下李定太以秦國勝違令妄動

楊鍾哲 臣慶端

奏請將該員發往新疆効力贖罪仍暫留軍營遣用以
觀後效欽奉

上諭以秦國勝違令妄動偵事失機革職發遣不足蔽
辜著革職拏問嚴行審訊從重定擬 臣嚴加覆詰矢口
不移案無遁飾查已革遊擊秦國勝由陸路勇丁出身
水戰本非所習此次管帶破船停泊蘇木灘防堵因賊
在黃灘過河夾攻駛往堵禦以致傷亡水勇被奪船隻
究其進駛之由寔因被賊夾攻力圖堵禦與妄動失機

及臨陣退縮者有聞應請仍照前擬將秦國勝請

旨發往新疆効力贖罪毋庸留營差遣以示懲儆其所
失之戰船三隻當被賊燒燬所失銅礮大小七尊業經
臣於攻毀蓮花賊巢時奪回所有訊明秦國勝債事一
案緣由理合據實覆陳伏乞

皇上聖鑒施行謹

奏 同治元年閏八月十六日

議政王軍機大臣奉

旨另有旨欽此

同治元年十月初十日內閣奉

上諭前日慶端奏參遊擊秦國勝違令妄動降旨交左
宗棠嚴訊定擬茲據奏稱訊明秦國勝統帶礮船扼守
蘇木灘委因賊在黃灘過河夾攻駛往堵禦以致挫敗
與妄動失機臨陣退縮者尙屬有間請仍照慶端原擬
發往新疆効力毋庸留營等語秦國勝著發往新疆効
力贖罪毋庸留營差遣以示懲儆欽此

進攻龍游截勒大股逆賊獲勝摺

奏爲官軍進攻龍游截勒大股逆賊獲勝現籌辦理情形恭摺奏祈

聖鑒事竊臣將援剿遂安各營調回後卽與署衢州鎮總兵劉培元分路進規龍游縣城周覽龍游地勢東南北三面依水西面一望平疇城小而堅一時難以猝拔並調知僑侍王李世賢自遂安擊敗後復糾合金華巨股並調溫處及各路悍賊於南岸湖鎮羅埠北岸蘭溪縣屬之永昌鎮太平祝家諸葛村孟塘油埠張家堰等

處屯踞連營數十里意在俟官軍深入卽乘虛襲我後路臣當飭劉培元一軍於龍游城西十里之圭塘山地
方駐紮並派臣軍副將駐金城等四營助之又調江西
會勅卽選道屈蟠王德榜兩軍扼諸全旺以爲劉培元
後路聲援飭記名總兵崔大光率四營於龍游城北對
河之茶圩地方駐紮臣率親兵各營駐離城十五里之
潭石望地方爲兩路策應另飭臬司劉典率馬步十一
營駐龍游屬之高橋專事截勦援賊七月十六日各營
行至東門橋遇逆侍逆李世賢率賊千餘前來探路楊

鼎勳朱明亮率所部攔橋截擊互有殺傷賊見我軍後
隊踵至始遁據生擒賊供駁天義劉逆積仕蝦天義李
逆撫天義楊逆眾共數萬皆侍逆黨分踞油埠高園等
處十七日分路進攻油埠賊巢劉典由中路進行至高
園遇賊數十楊芳桂率馬隊盡殲之隨令各營擗鼓猛
進張聲恆黃有功余萃隆齊蘭禮率所部出油埠之右
賊不虞我軍猝至棄巢敗歸中路朱明亮劉光明整隊
迎擊鏖戰逾時張聲恆等馳至兩路夾擊楊芳桂率馬
隊橫衝而出賊勢不支紛紛潰走左路之賊雖從芳來

抄經楊鼎勅李耀南李良平突出擊之遂皆分路狂奔
我軍三路齊進追殺十餘里共獲長髮悍賊千數百名
生擒百餘名陣斬賊天義鄒積仕賊天燕廖得壽等賊
目數十名奪獲偽印五十餘顆旗幟鎗礮計二百餘件
此十七日攻緬油埠賊巢克獲全勝之實在情形也賊
自油埠擊敗後退踞太平祝家塢孟塘等處結壘
自岡廿七日劉典率所部從中右兩路進楊昌濬督同
親兵營左營湘營屯江忠義派來之精捷營副將陳希
祥劉榮合從左路進前隊甫抵蓮塘適李世賢擁眾土

犯圍撲我軍高橋營壘楊鼎勳李良平揮兵接戰斃悍賊數十名各營催隊繼進賊遁走會日暮不及窮追廿四日我軍由右路進者先燒燬賊巢五處直撲裴家堰賊巢該逆出隊抵拒劉典揮令各營奮力齊進賊敗入壘環攻兩時壘已垂破忽後路援賊麇至李良平身受礮傷裹創力戰劉典率中營各哨扼堵斃當先大旗賊數名賊仍退併入壘我軍由右路進者行近孟塘賊分數路抗拒我軍亦分三路迎勦李耀南率所部當先衝殺楊鼎勳繼之鏖戰兩時斃龍旂賊目數名賊少却忽

另股從左右兩路抄來楊昌濬一面分軍堵禦一面令楊鼎勳督隊向前力戰相持數時之久正鏖戰間適有路各營甫經收隊聞左營礮聲大震星速馳援賊仍縮退我軍亦收隊而還臣查太平祝家裘家堰一帶地勢平濶村房稠密該逆盤踞於此與南岸羅埠湖鎮之賊相爲犄角意在死守金華蘭溪湯溪諸城以阻我軍進攻之路臣軍賊船尙未造齊不能扼截金華河路攻北則南岸之賊來應攻南則北岸之賊往援暫尙未能制賊死命侍逆李世賢屢經勦敗餘已衰入夥數年之

死當難髮請逃者實不下一二千之多而新據之衆則
逃散不止萬計近以金陵首逆屢召赴援因臣軍苦與
相持未能猝脫如果蔣益漣一軍數日內趕到必可痛
與殲除臣之一軍除防守遼安昏口分布徭防逼攻龍
游縣城外其足供截勦援賊者僅五千有餘近爲疾疫
所苦疲弱物故者多每接仗不能派六成之隊而各路
賊皆由源源而來人數之多奚止數倍官軍自不得不
慎以圖之所有近日勤辦情形謹會同協辦大學士兩

江督臣曾國藩恭摺馳

奏伏乞

皇上聖鑒訓示謹

奏 同治元年八月二十日

收復祁縣查悉賊情布置大概片

再處州府城已於七月十九日收復業經慶端耆齡奏
報餘姚縣城亦據張景渠稟報克復臣查溫台處之賊
盡聚金華一郡而逆首李世賢挑其悍黨屯踞蘭溪屬
之油埠永昌鎮太平祝家等處近日因與廣東賊不睦
令其分踞嚴郡日昨又陟新到之賊分踞壽昌近城各

鄉賊之蹤跡偏重北路李逆世賢兇狡素著其詭計似阻我師進攻金華而覓路竄皖南以赴金陵賊渠之召臣已密致首國藩預飭徽甯守將嚴爲扼截並飭卽選道王文瑞卽選知府魏喻義嚴扼遂安一路以撓其謀一面飛飭蔣益澧督所部星速赴浙以便分道截剿蔣益澧聞於八月初二日始自長沙啓行其前隊於七月初九日啓行計此時已行抵廣信臣飛調其速赴常山聽候調遣所有近日賊情及布置大概理合附片陳明伏乞

皇上聖鑒謹

奏 同治元年八月二十日

訪聞已革道員資財寄頓片

再已革紹甯台道張景渠重資寄頓寄定海之說臣詳加
察訪未得端倪近始聞浙江候補通判鄭壽南指隸廣
東香山雍陌鄉上年有雇坐火輪船同張景渠家人載
銀數十萬運赴廣東香山地方之事聞其銀亦非張景
渠一人所有然張景渠既有家人同其護送則該革員
資財自亦寄頓其中可否

密飭勞崇光及外端書查傳鄭壽南到案嚴記確情據
實具奏請

旨核辦之處出自

聖裁 臣既有所聞理合據情密陳伏乞

皇上聖鑒施行謹

奏 同治元年八月二十日

保獎迭次打仗出力員弁兵勇摺

奏爲遵將迭次打仗尤爲出力員弁兵勇請

旨獎敘以勵戎行事竊臣於同治元年三月初四日欽

奉二月十七日

上諭左宗棠奏官軍由徽入浙截勦巨股逆匪迭獲大
勝開化肅清一摺在事出力文武員弁並著左宗棠查
明擇尤保奏候朕施恩欽此又於三月二十六日欽奉
三月初八日

上諭左宗棠奏官軍克復遂安縣城懇請彙案優獎一

招所有在事出力員弁著准其併入陽化三捷案內擇
尤保奏候朕施恩欽此竊臣奉

命入浙督率所部由開化遂安轉戰而前幸皆仰仗

天威所至克捷厥後援勒衢城江山擊退逆首李世賢
大股嚴守遂安擊退偽輔王楊輔清偽對王洪春元大
股嗣勒衢州城外之賊盡掃東南北三路復勒李世賢
大股於遂安大小數十戰該將士等於軍餉匱乏之時
踴躍用命閱時既久出力頗多應彙案分別獎敘以昭
激勸除已奉

旨允准保奏外其餘次撥勒江山衢州固守遠安各案
內凡爲出力弁勇應併請歸人此案內量爲優保其出
力稍次者由外記名咨部註冊所有節次打仗陣亡員
弁併請

飭部從優議卹以慰忠魂理合分別開單敬呈

御覽

皇上聖鑒施行謹

奉 同治元年八月二十日

議政王軍機大臣奉

旨另有旨欽此

攻勦迭勝克復縣城要隘情形摺

奏爲官軍攻勦龍游湯溪蘭谿逆賊連獲大勝並攻克壽昌縣城及各要隘情形恭摺奏祈

聖鑒事竊臣於七月十六廿四等日將蘭谿縣屬油埠太平祝家踞逆擊敗後逆首李世賢擊匿不出妄意官軍方力攻北路南路之備必虛歟龍游城內賊酋遊天義陳廷香勘天義李國榮等於八月十五十九等日撲犯城兩圭塘山若衢州鎮總兵劉培元等營壘均經劉培元等擊退屢有擒斬二十九日龍游城賊萬餘撲近

連塘山劉培元與副將曉金城等整隊迎敵總兵崔大光潛由北岸渡河衝賊陣之背賊駭而奔劉培元率各營乘勝壓擊追至城邊燒賊卡一座適時金城楊和貴張人和王樹棠大隊齊至賊繞城而走我軍由西門追至南門斃悍賊二百餘名城上矢石雨下我軍仰攻逾時始收隊還三十日逆首李世賢遣巨目忠神朝將李尙揚及樓天義胡明順昆天義張逆等由蘭谿永昌鎮湯溪湖鎮率悍賊五六萬人分三路來撲劉培元營壘城賊於西門北門列隊牽制我軍上下重疊排列十餘

里勢甚張劉培元飭各營鎮靜以待一面飛報臣立派親兵並劉榮合賴錫光精捷兩營馬德順馬隊一營馳往令劉琰率所部伏於河邊林內令崔大光嚴扼下游防賊偷渡布置甫定中路之賊挑騎賊數十步賊數千撲近劉培元營外濠邊劉榮合賴錫光率所部從左路繞出中路大呼殺入槍礮齊施刀矛並進賴錫光腿中礮傷猶裹創力戰賊勢不支劉培元飭各營空壁而出楊昌濬等率親兵繼至從山坡壓下將士無不踴躍爭先以一當百中路之賊由左路敗走楊和貴張人和復

率所部從左路邀之馬德順率馬隊從兩旁抄擊該逆
大敗狂奔拋棄旗幟器械無數在路之賊見中路賊敗
仍蜂擁而來適江西撫臣所派會勦之屈蟠王德榜兩
軍從右馳至中路官軍會合併力痛擊鏖戰兩時斃龍
旗賊口十餘名賊復潰走我軍三路縱擊斃賊千數百
名生擒百餘名陣斬慢人義胡明順及泗天福邱逆偽
檢點黃逆偽指揮吳逆偽統制李逆等賊目數十名奪
獲龍旗百餘桿槍礮器械千餘件其伏於西門之賊經
駐金城王樹棠擊退北門河邊之賊經劉瑛崔大光擊

退亦斬殺百餘名此八月廿九三十兩日勦龍游南路
援賊克復全勝之實在情形也賊不得逞於南路復糾
巨股萬餘人由蘭谿永昌鎮竄臨壽昌縣城另分悍黨
由壽昌出上方嶺以該處地勢緊接遂安西可以竄
開化常山南可以竄衢州非將此股殄滅則南路各軍
既爲城賊所牽制而衢州西北一帶亦在在堪虞適新
授藩司蔣益澧前隊記名總兵高連陞帶所部甫抵衢
州臣卽飭其由雲溪進駐蘭谿之高岡與劉典合圖表
家堰太平祝家之賊閏八月初六日蔣益澧率全軍行

抵衢州分遣副將熊建益所部三千人往扼上方嶺一路總兵高連陞所部三千人由梅嶺往攻壽昌縣城閏八月十三日高連陞行至距壽昌縣城八里地方紮營自率馬隊至城邊察看地勢賊見官軍猝至擁眾出城直撲營壘高連陞分副湘前左兩營由左路進副湘右後兩營由右路進自率正湘左營由中路進鏖戰三時賊屢却屢前官軍三路齊進呼聲震天立斃先鋒悍賊數十名賊遂倉皇遁走追至城邊乘勢殺入復斃悍賊數百名餘賊由南門奪路而走復追殺十餘里遂將壽

昌縣城克復。臣得報後，卽密飭蔣益澧、劉典由蘭谿西鄉共圖侍逆。所踞太平祝家老巢，侍逆聞壽昌被官軍攻克，恐官軍由小方嶺出襲其後，十四夜竄赴裴家堰。結七大壘背道而陣，及蔣益澧率所部馳至，僅斬落後滿髮悍賊數十名，隨與劉典督率各營躡蹤追至。距賊巢二三里紮營，約期十八日會勦。劉典率各營先進，塵戰逾時，賊踞堅壘，猝不可拔。蔣益澧率大隊急進，合圍二壘，高連陞與所部副相四營首先踰濠而入，連破中路賊大壘二座。壘中之賊盡殲，僅數騎得脫而已。劉

典防擬保知府朱明堯與副將劉清亮奮攻第三壘破
之其斃悍賊一千數百名陣斬元天福萬興仁魏天福
劉茂林等賊目多名生擒蓋天福王得勝等二百餘名
拔出難民數千餘逆宵渡而竄溺斃者不計其數奪獲
偽印百餘顆旂幟數百面槍礮軍器無算此攻克壽昌
縣城肅清蘭溪西路之實在情形也蘭溪肅清後賊之
屯踞於南岸羅埠湖鎮五星街等處者仍不下數萬眾
而其地適當龍游湯溪之衝爲賊所必爭臣隨飭蔣益
澧全軍渡河節節攻剿劉典一軍仍駐汕埠爲蔣益澧

後路聲振正布置間適羅埠踞逆偽王宗茂天義李世祥遣人詣將益澧軍前乞降蔣益澧密飭李世祥相機內應二十六夜率各營偃旂息鼓疾起乘之平明行近賊壘號礮一聲官軍由外殺入李世祥率黨千餘由壘中殺出各賊猝不及防棄壘狂竄官軍乘勝追殺斃賊七八百名生擒三百餘名將賊壘五座一律踏毀湖鎮之賊亦於二十七夜聞風而遁劉典與副將熊建益各營追至僅斬尾賊數十名是日龍游之賊正運糧至五里街總兵崔大光偕李世顏邢得率各營潛由北岸涉

後而過出賊不意擊之將五里街賊壘踏毀殺悍賊五六百名此攻奪龍游湯溪各要隘之實在情形也龍游踞逆經南路各軍於閏八月二十二二十九等日奮力攻擊該逆堅固不出具城壘均占地勢難以力爭攻臣於九月初五日移紮距龍游城五里之新涼亭飭各營修築長濠移營逼之飭將益禮一軍由羅埠進攻湯溪飭劉典一軍營紮油埠湖鎮以防蘭溪金華援賊九月初一日湯溪逆見官軍逼近擁眾出城直撲高連慳熊建益營臣經高連慳熊建益率所部擊敗賊數百餘

傷者不計其數初二日蔣益漣率隊攻湯溪北門高連
陞率隊攻湯溪東門劉典會師攻湯溪西門圍城數匝
槍礮連施城並穴牆開城抵禦官軍踰濠肉薄城下前
者被劍後者復進相持至暮始收隊還初三初五等日
誘賊出戰痛勦兩次復獲悍賊數百名而官軍連日陣
亡者三十餘帶傷者三百餘蓋亦血戰矣搜獲賊中告
急偽文龍游湯溪之賊皆勢窮力詘求援於金華守賊
並求侍逆迅速回援而龍游湯溪赴金華之路自羅埠
湖鎮五星街等處要隘經官軍攻克後道路隔絕城賊

之勢已孤督臣書齡復派知府康國器率勇三營上
湯溪會勦兵力益厚惟兩城之賊附城築壘堅固異常
恐未免曠日持久致濫天機據投誠李世祥供稱侍逆
李世賢由太平視家鼠赴婁家堰之時擬乘間從分水
桐廬竄回溧陽護其眷屬然後由溧陽回援金陵留信
朝將李尙揚李泳旺爲王宗李遇茂剛天義劉政宏遊
天義陳延香助天義等國羣等率悍賊十餘萬分守金
華龍游湯溪等處城壘以阻我師若將此數兇殄滅以
下堅城當亦不難迎刃而解臣惟當督同劉培元蔣益

禮劉典迅以圖之軍中搜獲李世賢偽文諄囑諸賊死
守龍游湯溪金華四十日卽行折回並言逆眷在深陽
爲各偽王欺陵不能不急回料理之狀查賊中偽王可
數者共三十餘惟偽忠王李秀成偽章王林紹璋與李
世賢尙稱投合餘則彼此猜疑勢不相下金陵逆首洪
秀全之兄偽勇王洪仁達尤爲各賊所恨似從前楊韋
兩逆互相吞噬之事不久必將復見而李秀成嚇各賊
圖犯皖南意在緩浙軍之攻而抄浙軍之後其謀甚狡
臣擬俟龍游湯溪攻克後攻金華急攻嚴州相機辦理

以圖共捕狂氛此後軍行分合進止蓋難預定臣惟有隨時與曾國藩熟籌大局機宜期於共濟所有連獲勝仗情形謹會同協辦大學士兩江督臣曾國藩閩浙督臣耆齡據實馳

奏伏乞

皇上聖鑒訓示施行謹

奏 同治元年九月初九日

議政王軍機大臣奉

旨另有旨欽此

請以秦提督著浙江提篆赴甯波片

再正拜摺間適接甯紹台道史致謬稟該員於八月二十五日到任隨據探報慈谿縣城失守縣丞薛世奎被害副將華爾激於忠憤率所部進攻於廿七日卯刻立將縣城克復華爾受傷次日身故其嵎縣新昌之賊於二十七日竄攻奉化縣之沖公嶺二十八日奉化縣城被陷史致謬督同中外各軍固守甯波府城一切情形已就近題稟著江蘇撫臣李鴻章諒已奏報臣維甯波一府遠在海疆中隔賊氛雖藉外國兵力暫保孤城主

弱客強終非長久之計而彼中兵事冗雜每月糜餉不
八萬餘兩之多人不敷出又正當廣勇與外國兵頭角
鮮之時誠恐外侮內江阻乘而起致有疏失前次欽奉
諭旨飭臣派軍赴甯波防守臣原擬俟新軍到齊酌派
一軍取道溫台前往業經覆

奏茲聞偽忠王李秀成及各大股賊匪分撲金陵大營
及甯南意圖竄入江西以緩浙軍之攻而抄浙軍之後
臣軍應隨時相機調撥兵力苦軍勢難分赴甯波查護
浙江提督陳世章失事被督新任提臣鮑超現在皖南

其員缺前經度端委葉炳忠護理。應卽催令赴甯波以重職守。臣已咨商督臣耆齡尙未准其咨覆。總思葉炳忠卽由台郡赴甯波部曲無多恐難得力。現在溫處台三郡新就肅清雖有零星賊匪竄擾邊界並非喫緊記名提督秦如虎本係宿將所部在閩粵各軍中尙稱能戰近因攻處城曾受微傷回溫調治而所部現赴台州由台州赴甯波路甚近捷若蒙

恩旨令其署理浙江提督迅帶所部由奉化赴甯波較之葉炳忠更期得力而甯波必可無虞。臣現已咨商耆

齡矣可否請

旨以記名提督秦如虎署理浙江提督迅帶所部赴甯波之處欽候

皇上訓示施行謹

奏 同治元年九月初九日

議政王軍機大臣奉

旨另有旨欽此

同治元年九月二十四日內閣奉

上諭浙江提督著秦如虎署理欽此

請將崇志副將顧解馬匹赴浙片

再前署衢州鎮總兵顧建延平協副將崇志本年四月間丁父憂回籍守制時臣駐軍開化未及接見聞該員操守廉謹血性過人質地實堪造就惟未曾經歷戰事未知臨陣何如可不請

旨飭令該員前赴臣軍學習戰事並請

飭調口外應壯戰馬二百匹交該員崇志管解來浙由臣軍挑選勇丁操習馬隊以利攻勦是否有當伏候

訓示施行謹

奏 同治元年九月初九日

議政王軍機大臣奉

旨另有旨欽此

同治元年九月二十四日內閣奉

上諭左宗棠奏請調員差委等語丁憂福建延平協副將崇志著卽赴浙江軍營交左宗棠差遣委用欽此

同治元年九月二十四日內閣奉

上諭左宗棠奏官軍勦辦龍游等處逆賊獲勝並攻克壽昌縣城一招蘭溪踞逆經官軍擊散後逆首李世賢

復囑令龍游城內逆賊避天義陳廷香等連日撲犯城
西圭塘山總兵劉培元等營壘均經官軍擊退屢有斬
擒劉培元等承勝追至城邊燒毀城卡一座殺斃悍賊
二百餘名八月三十日李世賢由蘭溪永昌鎮等處率
悍賊五六萬人分路來撲經左宗棠派隊設伏分投馳
勦鏖戰兩時之久逆賊奪路狂奔官兵會合併力縱擊
殺斃及生擒賊目多名閏八月初六日總兵高連陞率
隊進攻壽昌縣直逼城下賊衆出城迎踞官軍三路齊
進呼聲震天賊勢披靡官軍乘勝殺入城中餘賊由南

門倉路逃竄當將壽昌縣城克復侍逆竄赴裘家坳背
河結壘蔣益澧等督隊攻拔賊壘多座盡殲壘中之賊
餘賊渡河存竄蘭溪西路肅清其南岸羅埠湖鎮五星
街等處賊壘亦經剽削等督軍攻毀斃賊多名攻奪要
隘多處官軍修築長濠移營近偏龍游其湯溪隰匪並
經官軍連日圍攻誘賊出隊殲斃甚多勦辦甚爲得手
著左宗棠迅卽乘此聲威督飭各軍合力進剿將龍游
湯溪等處賊匪次第掃蕩勿留餘孽欽此

議政王軍機大臣 字寄

欽差大臣協辦內閣大學士兩江總督曾國藩閱浙總
督耆齡浙江巡撫左宗棠同治元年九月二十四日奉
上諭左宗棠奏官軍攻勦龍游湯溪逆賊叠獲大勝攻
克壽昌縣城及各要隘情形並請將秦如虎署理浙江
提督各摺片本日業將龍游等處獲勝及克復壽昌縣
城明降諭旨宣示矣逆首李世賢等率其醜類堅踞龍
游湯溪蘭溪各城並遣悍賊攻撲總兵劉培元營屢經
左宗棠督飭各軍痛加勦擊破賊龍游南路之援蔣益
澧之軍甫到即能率其前部高連陞等軍攻拔壽昌並

會合劉典之兵破賊袁家堰及羅埠湖鎮五星街等賊
壘均係龍游湯溪蘭溪嚴隘各城之賊其勢已窮所辦
甚合機宜侍逆李世賢留悍賊李尙揚等死守金華
龍游等城屢該撫督同劉培元蔣益澧劉典等軍乘銳
進攻將此數兇殄滅以卜堅城節節進勦自當所到迎
刃而解浙江軍情漸熾乃緒左宗棠現擬俟龍游湯溪
攻克緩攻金華急攻嚴州緩急之間自必權衡至審惟
指內有李世賢將由分水桐廬竄回溧陽回援金陵之
語金陵逆援甚衆叠經留國藩及邵興阿等奏聞節次

諭令督國藩督防官因恭守竭力固守先保已成之功
再圖進取昨據督國藩奏徵甯軍情亦甚緊要已與左
宗棠商調將益漴一軍馳赴皖南接辦甯國軍務即可
抽出鮑超一軍馳援金陵刻下浙省軍務得蔣益漴之
軍助勦正當得手此軍若已調赴皖南則浙軍未免又
虞單薄前據耆齡奏飭令林文察率所部六千赴龍游
會剿本日左宗棠摺內稱耆齡復派知府康國器率勇
勇三營至湯溪卽著左宗棠迅卽催提並著耆齡嚴飭
各軍星速前往趁此龍游湯溪踞賊與金陵援賊道路

斷絕迅將龍游湯溪合力攻克以成破竹之勢李世賢
竄往溧陽能否派兵乘間邀截俾不得與忠逆合兵上
陵致冒國荃之軍更形喫重諒曾國藩與左宗棠隨事
商畧定能籌及也李世賢逆眷旣在溧陽爲羣逆所欺
不能不急回料理該逆傷文所述斷非無因是賊中羣
醜互相猜嫌其勢已成逆首洪秀全之兄洪仁達尤爲
各賊所恨從前楊韋兩逆交相吞噬之事必將復見如
其有隙可乘該大臣督撫等諒亦必能用間出奇詭機
應變江浙各營疫氣具否全消並著隨時具奏以慰馳

系秦如虎已有旨著理浙江提督卽著左宗棠飭令由
台州奉化速赴甯波防守另片奏請調戰馬及崇志赴
營等語業經寄諭慶昫等於察哈爾選調馬二百匹派
員解赴該撫軍營並已有旨令丁憂副將崇志赴浙江
軍營聽候差遣多隆阿一軍飭赴陝西剿辦回逆昨據
成名及善桂等報同州一帶回逆勢甚猖獗潼關被圍
守將哈連陞被擄復因諭令多隆阿卽由浙川迅赴潼
關扼剿前將此軍不能折回江皖之處寄諭該大臣等
刻下計已接奉矣將此由六百里各諭令知之欽此

遴弁赴口買馬懇准免稅片

再南方征剿之利馬步水三者缺一不可臣軍向無馬隊前經會同藩撥交一營共馬百數十匹頻年馳驅轉戰勞傷甚多雖迭經陸續添買尚不足兩營之數現在攻勦喫緊遇地勢平衍堪以馳驟及追逐包抄必須馬隊之處輒苦不敷分布已札飭擬保遊擊馬德順遴派把總王應山赴張家古北口等處購買戰馬二百匹餘馬二百匹由鐸遞讓來營以資攻勦查湖北軍營出口買馬具經奏准免稅在案臣軍採購戰馬事同一例相

應仰懇

聖恩俯准飭部知照各處一體按數查驗免稅放行俾無遲滯感荷

鴻慈實無既極謹附片具

奏伏乞

聖鑒施行謹

奏 同治元年九月初九日

議政王軍機大臣奉

旨著照所請該部知道欽此

浙江藩司請仍交道員代理片

再新任藩司蔣益澧於同治元年閏八月初六日帶所部行抵衢州初八日單騎赴營稟到與臣商酌兵事後卽赴北路辦賊屢獲勝仗現在逼攻湯溪縣城軍務方殷師行靡定所有藩司本任事務較繁未能兼顧應請仍交按察使銜署杭嘉湖道蘇式敬代爲辦理俾得專心討賊以速戎機現在杭城未復該藩司無任可到可否卽以到衢之日作爲到任日期理合附片陳明伏乞皇上聖鑒訓示謹

奏 同治元年九月初九日

議政王軍機大臣奉

旨依議欽此

查參道鎮知縣各員用

奏爲遵

旨查明據實參奏事竊臣於七月二十四日龍游潭石
望行營承准議政王軍機大臣字寄同治元年六月十
八日奉

上諭有人奏浙江督金衢嚴道江允康吸食鴉片不理
公事與李定太在城外船上挾妓飲酒募勇數百冒稱
數千從中漁利西安縣知縣丁壽宸藉捐肥已擅用非
刑上年九月間該縣下鄉以捐穀爲名逐戶勸捐無得

免者民既捐穀復令改交番銀展轉折變以飽其私橐
又於署前設籠捐不如數即將捐戶鎖置籠中非刑逼
勒滿欲而後止等語浙省被匪蹂躪民間瘡痍未復文
武各員宜如何認真防勦加意撫循以蘇民困而安疆
圉江允康等身任地方李定太係屬帶兵大員前據左
宗棠陳奏該二員本不得力所參各款定非無因亟應
從嚴懲辦著左宗棠將該員被參各款秉公確查據實
參奏毋得稍有徇庇將此由五百里諭令知之欽此臣
查署金衢嚴道本任衢州府知府江允康被參各款臣

未入浙之前卽有所聞比復留心察訪如原奏該員與
李定太在城外船上挾妓飲酒一節查浙江向有一種
花船專載客商供其游燕船戶時蓄歌妓陋俗相沿由
來已久亂後船多被擄景况蕭條此風不禁自息間有
未經被擄船隻亦均改裝貨物人去船空聞李定太上
年秋間邀同江允康閱看水操一次曾於此等空船搭
架官棚外間喧傳挾妓飲酒之事卽由此而起實則飲
酒之事容或有之妓則無可挾也至原奏江允康募勇
數百冒稱數千一節查衛防兵勇從前八千有奇除慶

端調去副將周萬遠所帶勇丁八百名外李定太所部
兵勇五千餘員名衢鎮四營及楓嶺營兵丁千餘員名
遊擊程紹鸞所帶安勇三百二十名遊擊黃高本所帶
親兵二百名水勇一百七十餘員名皆歸李定太統轄
此外惟衢州府壯勇三十名以備巡查自_臣以次裁撤
後僅留衢鎮四營兵丁九百六十九名汛兵一百三十
五名安勇親勇五百二十名分防城堞_臣因兵力太單
加派所部兩小營入城助守除兩小營外現計每月僅
需餉銀及委員薪水共四千三百二十四兩零錢四千

二百六十三千零食米一百六十餘石此有冊可稽有名可點者江允康實無募勇數百冒稱數千之事又原奏江允康吸食鴉片一節臣無所聞接見時留心察看面貌氣色亦不似有癮之人惟該員性習浮偽辦理地方諸事未洽輿情應請

旨將該員革職以肅官常署西安縣知縣丁壽宸藉捐肥已擅用非刑各款臣留心察訪並無實據惟該員於逆賊甫退之後卽催徵錢糧臣駐軍雲溪時曾有民人徐姓控告該縣丁書之件當飭署衢州府知府吳艾生

嚴提懲辦又該署令於五月內因催徵新賦詳請斥革
生員程德基衣頂經臣以有意苛求駁斥銷案此外並
無控告之件至外省各州縣近因嚴治土匪間設木籠
意在示威非因催征錢糧而設如果該署令敢用非刑
逼勒必有受害之人臣軍行所至無日不接見士民延
訪疾苦並無呼訴及此者惟丁壽宸才庸識闇遇事玩
泄難期振作應請一併革職以示懲儆江允康所署金
衢嚴道一缺現本任金衢嚴道恒山業已赴營稟到當
卽檄飭赴任其江允康本任衢州府知府查係請

旨之缺應請迅

賜簡放所有遵

旨查明參奏緣由理合據實直陳伏乞

皇上聖鑒訓示施行謹

奏

同治元年九月初九日

議政王軍機大臣奉

旨另有旨欽此

同治元年九月二十四日內閣奉

上諭前因光祿寺卿潘祖蔭奏參浙省署金衢嚴道衛

州府知府江允康吸煙廢公募勇漁利西安縣知縣丁壽宸藉捐肥己擅用非刑各款當經諭令左宗棠確查具奏茲據奏稱查明知府江允康募勇每月所需餉銀等項皆有冊可稽並無募勇數百冒稱數千及吸煙各情惟性喜浮偽辦理地方諸事未協輿情知縣丁壽宸亦無藉捐肥己擅用非刑實據惟才庸識闇遇事玩泄難期振作請一併革職等語署金衢嚴道江允康西安縣知縣丁壽宸均著革職以示懲儆餘著照所議辦理該部知道欽此

失事弁兵毋許收伍片

再杭城失陷列郡淪胥失守之文武員弁兵勇除陣亡外均經潰逃四散現在甯波台州處州各郡縣以次收復潰卒陸續歸營臣維失事各文武吏議基際荷兵將弁既應查參潰逃兵丁豈可濫行收伍擬卽咨照各提鎮查明失事弁兵嚴行汰革毋許收伍統俟事平再於出力勇丁內挑補足額以收實效而節虛糜並可安插勇丁令有歸著以便鈐束是否有當理合附片陳明請旨

同治元年九月初九日

議政王軍機大臣奉

旨知道了欽此